

NALUNAARUTIT - Grønlandsk Lovsamling

Serie C-II

02 DEC. 2019

ISUMAQATIGIISSUT

Naalakkersuisut, Finansministeria aamma Sulinermik Inuus-
sutissarsiteqartut Kattuffiata akornanni **Oqalutsit** pillugit isu-
maqatigiissut.

IMAASA NALUNAARSORSIMAFFIAT

Qupp.

§ 1 Isumaqatigiissummi pineqartut.	3
§ 2 Suliffiup sivilissusia.	3
§ 3 Oqalutsit B-t siornatigut ilinniagaqarsimangitsut.	4
§ 4 Oqalutsit B-t siornatigut ilinniagaqarsimasut.	4
§ 5 Oqalutsit nutserisullu Niuernermik Ilinniarfimmi ilinniarsimasut.	5
§ 6 Oqaluttaaneq.	6
§ 7 Torrutiinnarlugu oqalutsit.	7
§ 8 Oqalutsit allat.	7
§ 9 Soraarnerussutisiassanut akiliutissat taakkulu akilerneqartarneri.	8
§ 10 Ukiut suliffiit malillugit akissarsiat qaffakkiartortarneri.	8
§ 11 Piffissap ilaannaani sulineq.	9
§ 12 Kingoraartaaneq.	10
§ 13 Atorfimmut immikkut ittumut tapit.	10
§ 14 Qaangiuttoornerit aamma qaangiuttoornernut taarsiullugu sulinngiffeqarnerit.	11
§ 15 Ataasiakkaanut tapinut immikkoortitat.	12
§ 15 A Pikkorissutsimut tapisiat.	12
§ 16 Suliartoqquneqaratarsinnaanermut tapisiat.	13

§ 17	13
Persaqqusersorneqarnermut akiliutit.	13
§ 18 Ingiallortaalluni angalanerit Napparsimaveqarfinni oqalutsit.	13
§ 19 Stationeqarfinni avinngarusimasuni sulisut.	15
§ 20 Sulinermut atatillugu angalanerni saniatigut aningaasartuutaasartut, tassunga ilanngullugit ullormusiat, unnuinermusiat (akunnittarfimmiinnermut atugassat) atortussarsiutillu.	15
§ 21 Ineqarneq.	16
§ 22 Atorfininnermut atatillugu akiliunneqarluni angalaneq. ...	16
§ 23 Assuarlersinnaatitaaneq.	18
§ 24 Sulinngiffeqarneq sulinngiffeqarnerisiutillu.	18
§ 25 Napparsimaneq.	19
§ 26 Naartuneq, ernineq qitornavissiarthaarnerlu.	20
§ 27 Meeqqap napparsimanerani ullormi siullermi sulinngiffeqarsinnaatitaaneq.	21
§ 28 Meeqqap napparsimanerani sulinngiffeqarnerit allat.	22
§ 29 Sulinngiffeqarnerit immikkut ittut allat.	22
§ 30 Sulinngiffeqartarnerit.	23
§ 31 Qinikkatut pisortanillu toqqakkatut suliassaqartitaanerit.	23
§ 32 Toqukkut qimagaanersiutit.	24
§ 33 Soraarniuteqarneq/Soraarsitsineq.	25
§ 34 Isumaqatigiinngissutit kinaassusersiortumillu soraarsitsinerit.	26
§ 35 Oqalutsit nal. Akunnermusiallit.	27
§ 36 Akissarsiat katiternerit.	28
§ 37 Ikaarsaarnermi malittarisassat.	29
§ 38 Piffissaq isumaqatigiissutip atuuffia.	29

§ 1

Isumaqatigiisummi pineqartut.

Isumaqatigiisummi uani pineqarput oqalutsit Namminersorlutik Oqartussani, Tele Greenland A/S-mi, A/S Inissiaatileqatigiiffik INI-mi, kommune-ni naalagaaffimmilu suliffillit qaammammusiaqartillugit atorfinitsinneqartut, isumaqatigiisutinullu allanut attuumassuteqanngitsut.

Imm. 2. Tjenestemandit imaluunniit naalagaaffimmit, Namminersorlutik Oqartussanit kommuneniillu soraarninngorsimasut aammalu suliffeqarfinni immikkut pisussaaffiligaasuni ittut isumaqatigiisummut uani ilaatinneqanngillat.

§ 2

Suliffiup sivisussusia.

Nalinginnaasumik piffissaq suliffissaq sapaatit akunnerannut nal.akunnerinik 40-nik sivisussuseqarpoq, agguaqatigiisillugu qaammammut nal.akunnerinut 173 1/3-inut naapertuuttumik.

Imm. 2. Ullormut piffissap suliffiup iluani sulinngitsoornerit akissarsianit ilanngaatigineqassapput. Sulinngitsoornermi akissarsiasaraluit amerlaqataannik oqalutsip nal. akunneranut sulinngitsoorfia nalilerneqartassaaq atorfillip nal. akunnermusiarisartagaata angeqqataanik, nal. akunneranut tapiusinnaasut ilanngullugit. Nal. akunnerata affaa tikillugu sulinngitsoorneq nal. akunnerata affaatut naatsorsorneqartassaaq.

Imm. 3. Sulinermut atatillugu angalanerni piffissaq angalaffiusoq suliffimmiit/suliffimmut suliffittut naatsorsorneqartassaaq. Taamaatorli piffissap suliffiup taama naatsorsorneqarnerata kingunerisaanik ullormi pineqartumi piffissaq suliffiususaaq eqqortinneqanngitsutut isigineqarsinnaanngilaq.

Imm. 4. Sulisorli siniffissaqartinneqarpat nal. 22.00-ip nal. 08.00-llu akornanni piffissaq angalaffiusoq piffissatut suliffittut naatso-rsuunneqassanngilaq.

§ 3

Oqalutsit B-t siornatigut ilinniagaqarsimannngitsut.

Oqalutsit oqalutsinngorniarnermi B-mi qallunaatut kalaallisullu misilitsissimasut, siornatigullu inuutissarsiummik ilinniagaqarsimannngitsut, kiisalu oqalutsit oqalutsinngorniarnarlutik misilitsinnermi I-imi angusisimasut qaammammut skalat nikeriarfiini ataani taaneqartut aallaavigalugit imaattunik qaammammusiaqartinneqassapput:

Skala	trin	Ukiut suliff	01.04.18	01.04.19	01.04.20	01.04.21
11	1	1.-2.	18.053,28	18.433,85	18.814,41	19.194,97
12	2	3.-4.	18.218,68	18.599,25	18.979,81	19.360,37
13	3	5.-6.	18.388,65	18.769,21	19.149,77	19.530,34
14	4	7.-8.	18.563,27	18.943,83	19.324,39	19.704,96
15	5	9. amerlanerillu	18.696,73	19.077,30	19.457,86	19.838,42

§ 4

Oqalutsit B-t siornatigut ilinniagaqarsimasut.

Oqalutsit siornatigut inuutissarsiummik soorlu HK-assistentitut, peqqinnissamik siammarsaatut, ernisussiornermi ikiortitut assigisaannilluunniit ilinniagaqarsimasut qaammammut skalat nikeriarfiini ataani taaneqartut aallaavigalugit imaattunik qaammammusiaqartinneqassapput:

Skala	trin	Ukiut suliff	01.04.18	01.04.19	01.04.20	01.04.21
19	1	1.-2.	19.373,48	19.754,04	20.134,60	20.515,17
20	2	3.-4.	19.556,06	19.936,62	20.317,18	20.697,75
21	3	5.-6.	19.755,72	20.136,28	20.516,85	20.897,41
22	4	7.-8.	19.961,31	20.341,87	20.722,43	21.103,00
23	5	9. amerlanerillu	20.172,71	20.553,28	20.933,84	21.314,40

Imm. 2. Illuatungeriit isumaqatigiissuteqarnerisigut oqalutsit sior-natigut inuutissarsiummik ilinniagaqareersut § 5 naapertorlugu akis-sarsiaqartinneqarsinnaapput, pineqartup § 5-imi ilinniarnertit taaneqartut piginnaassutsimigut tuluttoorsinnaallunilu maskina atorlugu allassinnaanini uppernarsarsinnaappagu.

§ 5

Oqalutsit nutserisullu Niuernermik Ilinniarmimmi ilinniarsimasut.

Oqalutsit ukiuni 2-ni oqalutsissatut ilinniarsimasut (tolke II) imaluunniit Niuernermik Ilinniarmimmi torrutiinnarlugu oqaluttaanissamut ilinniarsimasut kiisalu nutserisut Niuernermik Ilinniarmimmi nutserisussatut ilinniarsimasut skalat nikeriarfiini ataani taaneqartut aallaavigalugit imaattunik qaammammusiaqartinneqassapput:

Skala	trin	Ukiut suliff	01.04.18	01.04.19	01.04.20	01.04.21
31	1	1.-2.	22.452,98	22.833,55	23.214,11	23.594,67
33	2	3.-4.	23.045,86	23.426,42	23.806,99	24.187,55
35	3	5.-6.	23.671,74	24.052,30	24.432,87	24.813,43
37	4	7. amerlanerillu	24.332,37	24.712,93	25.093,50	25.474,06

Stk. 2. Namminersornerullutit Oqartussat ataani qitiusumi nutserisut/oqalutsit ilinniarsimasut skalat nikeriarfiini ataani taaneqartut aallaavigalugit imaattunik qaammammusiaqartinneqassapput:

Skalatr	trin	Ukiut suliff	01.04.18	01.04.19	01.04.20	01.04.21
33	1	1.-2.	22.452,98	22.833,55	23.214,11	23.594,67
35	2	3.-4.	23.045,86	23.426,42	23.806,99	24.187,55
37	3	5.-6.	23.671,74	24.052,30	24.432,87	24.813,43
39	4	7. amerlanerillu	24.332,37	24.712,93	25.093,50	25.474,06

Tungaviumik akissarsiat saniatigut qammamoortumik ta-
qpeqaroqassooq imak annertussusilik kr. 1.750,- kr. Immikkoortoq
pingajuat naapertorlugu aningaasarsiortoqarpat tapeq aamma
pineqarsinnaavoq.

Stk. 3. Oqaatsinik nutserinermillu bacheloritut ilinniagaqarsima-
gaani skalat nikeriarfiini ataani taaneqar-tut aallaavigalugit
imaattunik qaammammusiaqartinneqassapput:

Skalatr	trin	Ukiut suliff	01.04.18	01.04.19	01.04.20	01.04.21
40	1	1.-2.	24.676,47	25.057,03	25.437,59	25.818,16
42	2	3.-4.	25.393,10	25.773,67	26.154,23	26.534,79
44	3	5.-6.	26.149,93	26.530,49	26.911,05	27.291,62
46	4	7. amerlanerillu	26.948,97	27.329,53	27.710,10	28.090,66

Stk. 3. Imm. 1, 2, 3-mut iluarssiissutitaqanngitsumik, soraarnerus-
sutisiassaqaataasussanik tapit ukuupput:

Trin 1: 4.214,49
Trin 2: 4.423,35
Trin 3: 4.643,67
Trin 4: 4.643,67

§ 6

Oqaluttaaneq.

Oqaluttaaneq tassaavoq, oqalutsitut immikkoortoqarfimmi oqalutsinik
aralalinnik sulianilluunniit pisinnaaffigilluakkaminik ingerlatalik
aammalu § 5-imi ilinniakkanik taaneqartunik naammassinnissimasoq,
oqalutsitullu imaluunniit nutserisutut pikkorissuseqarfigillualersi-
masaminik piginnaanilik.

Imm. 2. Oqaluttaanerit skalat nikeriarfiini ataani taaneqartut aal-
laavigalugit imaattunik qaammammusiaqartinneqassapput:

ASA/ØPS Jr. nr. 16.40/367/2018

Qupp. 6 - 29-mut

12. november 2019

Skala	trin	Ukiut suliff	01.04.18	01.04.19	01.04.20	01.04.21
42	1	1.-2.	26.149,93	26.530,49	26.911,05	27.291,62
44	2	3.-4.	26.948,97	27.329,53	27.710,10	28.090,66
46	3	5. amerlanerillu	28.682,86	29.063,42	29.443,98	29.824,55

Imm. 3. Imm. 1-mut iluarsiiissutitaqanngitsumik, soraarnerussutisi-
assaqaataasussanik tapit ukuupput:

Trin 1: 4.659,05

Trin 2: 4.359,05

Trin 3: 3.922,51

§ 7

Torrutiinnarlugu oqalutsit.

Torrutiinnarlugu oqaluttaaneq nal. akunnerata affaata aallartinneri
tamaasa 258,88 kr.-inik akissarsissutigineqartassaaq. Imatullu naats-
orsorneqarpoq qaammammut 44.871,33 kr.-nit / 173,33 = 258,88 x 2 =
517,75 kr.-nit tiimimut.

§ 8

Oqalutsit allat.

Illuatungeriit isumaqatigiissutippassuk inuit inuussutissarsiutinik
suliaqartareernikkut imaluunniit ilinniagaqareersimanikkut §§ 3-5-mi
taanegartumik ilinniagaqarnermut nallersuulluarsinnaasumik sulinermik
atuagarsornermillu sungiussisimasut isumaqatigiissut manna malillugu
atorfinitsinneqarsinnaapput §§ 3, 4 imaluunniit 5 malillugu akis-
sarsiaqartinneqarlutik.

§ 9

**Soraarnerussutisiassanut akiliutissat taakkulu
akilerneqartarneri.**

Isumaqatigiissut malillugu sulisup 18-nik ukioqalereersimasumut soraarnerussutisiaqalernissaanut isumaqatigiissummi matumani akissarsiat paragrafini tunngaviusumik akissarsiat taaneqartut 11,50%-ii sulisitsisup akilertassavai. Akiliutigineqartup agguataarlugu sulisumut pingajoraarterutaa pigitinneqarpoq sulitsisumullu pingajoraarterutai marluk pigitinneqarlutik. Soraarnerussutisiaqartitsisoqartassaaq soraarnerussutisiaqalernissamut aqqissuussinermi malittarisassaani aalajangersakkat naapertorlugit.

Imm. 2. Sulisoq atorfeqarnini tunngavigalugu soraarnerussutisiassanut akiliutit imm. 1-imi taaneqartut avataasigut sulinini pissutigalugu sulisitsisuminit soraarnerussutisiaqartinneqarnaniluunniit ikiuutisiaqartinneqassanngilaq.

§ 10

**Ukiut suliffiit malillugit
akissarsiat qaffakkiartortarneri.**

Ukiut suliffiit malillugit akissarsiat qaffakkiartortarneri aalajangersarneqartassapput piffissaq pineqartup ilinniarsimanini tunngavigalugu suliffigisimasaa aallaavigalugu.

Imm. 2. Suliamik ilinniagalinnut ukiut suliffiit malillugit akissarsiat qaffakkiartortarnerisa naatsorsorneqarneranni siusinnerpaatut aallaaviusassaaq qaammatip ilinniakkamik naamassinniffiup naanera.

Imm. 3 Ukiut suliffiit malillugit akissarsiat qaffakkiartortarneri tamatigut qaammatinut ilivitsunut akunnaallillugit iluarsineqartassapput ullut 15 taakkunangaluunniit ikinnerit ilanngunneqartassanatik.

Imm. 4 Isumaqatigiissut una naapertorlugu sulisut Kalaallit Nunaanni pisortat suliffeqarfiutaanniit imaluunniit Namminersorlutik Oqartussat suliffeqarfiutaanniit toqqaannartumik Kalaallit Nunaanni pisortat suliffeqarfiutaannut imaluunniit Namminersorlutik Oqartussat suliffeqarfiutaannut allamut nuuttut suliainnillu allannngortitsinatik ingerlatsiinnartut ukiut suliffiit malillugit akissarsiat qaffakkiartortarnissaattut katersareriikkatik attatiinnassavaat.

Imm. 5 Malittarisassanit siuliani taaneqartunit qaffasinnerusumik inissiisoqarsinnaavoq immikkorluinnaq pissutissaqartoqartillugu.

Imm. 6 Piffissap ilaannaani oqalutsit sulippata sapaatit akunnerannut agguaqatigiissillugu nal. akunneri 15-nit sinnerlugit suliffigalugit tamakkiisumik akissarsiat qaffakkiartortarnerinik pissarsisoqassaaq. Sapaatit akunnerannut agguaqatigiissillugu nal. akunneri 15-init ikinnerit suliffiuppata akissarsiat qaffakkiartortarnerannik piffissamut suliffimmut naapertuuttunik pissarsisoqassaaq.

§ 11

Piffissap ilaannaani sulineq.

Oqalutsit piffissap ilaannaa atorfeqartussatut sulisussarsiari-neqartut qaammammut akissarsiaqartinneqassapput qaammammusiaqartinneqassapput qanoq sivilisutigisumik sulisarnertik naapertorlugu.

Imm. 2. Suliffiup sivilisussusianik allannngortitsineq, tassungalu ilaalluni piffissap ilaannaa sulisup sulileqqaarnerani isumaqatigiissutigineqartumut naleqqiullugu sivitsuigallarneq, taamaallaat ullunik 3-nik sioqqutsisumik ilisimatitsinikkut pisinnaavoq. Taamatut ilisimatitsisoqangippat nal.akunnerisa suliffiorpiartut saniatigut nal.akunneranik 1-imik pissarsisitsisoqassaaq. Piffissamik suliffissamik allannngortitsisoqassatillugu sulisut ataasiakkaat piffissap al-

lanngortinneqartup nalaani sulinnginnissaminnik kissaataat ataqqineqartassapput.

§ 12

Kingoraartaaneq.

Oqalutsi qinnuigineqarnermigut atorfimmi qaffasinnerusumi sulisoq atorfiup qaffasinnerusup taassuma suliassartai sularigunigit aalajangersakkat kinguliini taaneqartut malillugit akissarsiaqarsinnaati-taavoq.

Imm. 2. Atorfimmi qaffasinnerusumi suligallarnermi akissarsiaqartussaaneq atuutilertassaaq oqalutsip atorfik taamaattoq ulluni malittuinnarni 15-ini tigummereerpagu.

Imm. 3. Tamatumani akissarsiassat tassaassapput oqalutsip nammineq atorfimmini akissarsiai, pikkorissutsimut tapisiaqarpat taakku ilann-gullugit, aammalu atorfimmuq qaffasinnerusumuq tassunga qaffariartin-neqarsimasuuguni akissarsiariligassaraluisa assigiinngissutaat.

§ 13

Atorfimmuq immikkut ittumuq tapit.

§§ 3 - 6 -mi akissarsiat taaneqartut nalinginnaasumik piunasaqaatitarrisaannut il.il. ilaannngitsunik suliatiqut, allaffissornikkut, pisin-naasariaqartutigit allatigulluunniit immikkut inissisimasunik atorfi-nitsistsisoqartillugu, akissarsianut tapit atugassarititaasut nalin-ginnaasut saniatigit isumaqatigiissuteqartut akornanni immikkut isu-maqatigiissuteqartoqarsinnaavoq.

§ 14

**Qaangiuttoornerit aamma qaangiuttoornertut
taarsiullugu sulinngiffeqarnerit.**

Qaangiuttoorneq sapingisamik pinngitsoorniarneqartassaaq. Peqquneqarluni nakkutigineqartumillu atorfeqarfimmi piffissap nalinginnaasumik suliffiusussap avataatigut sulinerni nal. akunnermusiaq 50%-imik ilaneqassaaq. Nal. akunnerata qaangiuttoorfigisap affaata aallartinneri tamaasa naatsorsorneqartassapput. Nal. akunnermusiaq ukiumut akissarsiassap 1/2080-iatut naatsorsorneqassaaq, tak. §§ 3, 4 aamma 5.

Imm. 2. Qaangiuttoornerit oqalutsip sulisitsisullu isumaqatigiinnerisigut sulinngiffeqaataasinnaapput. Qaangiuttoornerisiasanut taarsiullugu qaangiuttoornermi akissarsiassat 50%-imik ilallugit qaangiuttoornerisiasaagaluanut naapertuuttunik sulinngiffeqaataassapput. Sulinngiffeqarnissamut katersukkat nal. akunerata qaangiuttoorfigisap affaata aallartinneri tamaasa naatsorsorneqartassapput. Sulinngiffeqarnerup qaqugu pinissaa sulisup sulisitsisullu akornanni suliffik mianeralugu sulisullu kissaatigisai naapertorlugit aqqissuunneqassaaq.

Imm. 3. Oqalutsi qaangiuttooqquneqassappat tamanna ullormi pineqartumi ullup suliffiup naanissaa nal. akunnerinik 5-nik sioqqullugu ilimasaarutigineqareersimassaaq.

Imm. 4. Ilisimatitsineqanngippat qaangiuttoornerlu nal. akunneri 2-t sinnerlugit sivilisussuseqarpat nal. akunnerisa qaangiuttoorfiit saniaatigut qaangiuttoornerisiffissat nal. akunneranik ataatsimik ilaneqassapput.

Imm. 5. Ullormut suliffissap nalinginnaasup avataatigut qaangiuttoornerit sivikinnerpaamik nal. akunneri 4-aappata taakku suliffioreersut

saniatigut qaangiuttoornerisiamik nal. akunnerata ataatsip nalinganik ilaneqassapput.

Imm. 6. Suliffiup nalinginnaasup avataatigut oqalutsi suliartoq-quneqarpat minnerpaamik nal. akunneri 4 tunniunneqassapput.

§ 15

Ataasiakkaanut tapinut immikkoortitat.

Sulisut 1. april 2014-mi ataasiakkaanut tapisiallit nammineq tapisiatut sulionnaarnissap tungaanut tapisariinnassavaat.

§ 15 A

Pikkorissutsimut tapisiat.

Illuatungeriit isumaqatigiinniareernerisigut oqalutsinut §§ 4 imaluunniit 5 naapertorlugu akissarsiaqartunut tapisiaqartitsisoqarsinnaavoq.

Imm. 2. Tapisiaqartitsinissamut tungaviussaaq suliffigisami ukiuni 2-ni sulereersimaneq imaluunniit piginnaassutsit tungaasigut tamatumunnga sanilliunneqarsinnaasumik allatut sulisimaneq.

Imm. 3. Aalajangersakkat siuliini taaneqartut naapertorlugit tapisiat qaammammut 500,00 kr., 700,00 kr. imaluunniit 900,00 kr.-nik angisuseqarput.

§ 16

Suliartoqquneqaratarsinnaanermut tapisiat.

Oqalutsit nakkutigineqarsinnaanngitsumik nakkutigiuminaatsumilluunniit qaangiuttoortartut qaangiuttoornersianut aamma persaq-qusersorneqarnermut tapisianut taarsiullugu suliartoqquneqaratarsinnaanermut tapisiaqartinneqarsinnaapput, taassumalu anner-tussusia illuatungeriit isumaqatigiinnerisigut aalajangerneqar-tassaaq.

Imm. 2. Oqaluttaanernut qaangiuttoornersisitsisoqarsinnaanani/qaangiuttoornermut taarsiullugu sulinggiffeqartoqarsinnaanngilaq aammalu persaq-qusersorneqarnermut tapisiaqartoqarsinnaanani. Tas-sunga taarsiullugu sukkulluunniit suliartoqquneqaratarsinnaanermut tapisiaqartitsisoqassaaq qaammammut 2.900,00 kr.-nik.

§ 17

Persaq-qusersorneqarnermut akiliutit.

Nal. 18.00-imiit nal. 06.00-imut akornanni unnuarsiornerit, arfin-ingornikkut nal. 14.00-p kingornatigut kiisalu sapaatini nalli-uttunilu sulinerit akilerneqartassapput malittarisassat tjenes-temandinut Namminersornerullutik Oqartussani kommunenilu sulisunut atuuttut naapertorlugit, (taakkulu immikkut takussutissiami takune-qarsinnaapput). Qaangiuttoornerli pineqarpat taamaallaat § 14 naap-ertorlugu qaangiuttoornersiuteqartitsisoqarsinnaavoq.

§ 18

Ingiallortaalluni angalanerit Napparsimaveqarfinni oqalutsit.

Napparsimasup Kalaallit Nunaannut, Kalaallit Nunaanni Kalaallit Nunaanniillu angallanneqarnerani isumannaatsumik passunneqarnissaa

pissutigalugu nakorsap pisariaqartippagu oqalutsimik napparsimavimmi sulisumik ingiallorneqarnissaa maleruagassat makku malillugit aningaasarsisitsisoqartassaaq.

Imm. 2. Nalinginnaasumik suliffissap nalaani piffissap suliffiup naatsorsorneqarnerani ingiallortaalluni angalanermi ullormut nal.akunneri 8 ilanngunneqartassapput.

Imm. 3. Ullormut nal.akunneri 8 sinnerlugit paarsisuulluni angalanermi nal.akunnerisa 4 aallartinneri tamaasa tapisiaqartitsisoqassaaq 1. april 1991-imiit ulluinnarni 222,50 kr.-inik toqqammavilinnik, arfininngornerni sapaatini nalliuttunilu 312,50 kr.-inik toqqammaveqarlutik. Tapisiat immikkut tapisiatut iluarsiivigineqartassapput, Kalaallit Nunaanni Nalakkersuisut Atorfillit Kattuffiatalu akornanni isumaqatigiissut naapertolugu.

Imm. 4. Ullut sulinngiffeqarfissat suliffigineqartulli taartisissutigitineqartassapput sapinggisamik taarsiullugu sulinngiffeqartitsinertut. Sap.akunnerannut aamma nalliuttunut ulloq sulinngiffeqarfissaq suliffigisariaqagaq ataaseq kisiat taartisissutisarineqartassaaq. Ullut sulinngiffeqarfissat suliffigisariaqakkat aningaasarsiffigineqassappata taakku ullormut sulinngiffeqarfimmut nal.akunnerini 40-ni nal.akunnerinik 8-nik akilerneqassapput aamma ullormut sulinngiffeqarfimmut nal.akunnerini 64-ini nal.akunnerinik 16-inik akilerneqassallutik.

Imm. 5. Piffissaq suliffiususaaq pillugu maleruagassat allat - soorlu qaangiuttoornermut, suliartoqquneqarsinnaatitaanermut, arfininngornikkut nal. 14.00 kingornatigut sulinernut, sapaatini nalliuttunilu sulinernut aamma suliamut atatillugu angalanerit nalaanni piffissap suliffiup naatsorsorneri - atorunnaarsinneqarput.

Imm. 6. Paarsisuulluni angalanerni ullormusiaqartitsisoqartassaaq
§ 20 naapertorlugu.

§ 19

Stationeqarfinni avinngarusimasuni sulisut.

Ikerasassuarmit Danmarkshavnimilu sulisut stationeqarfinni sulinermit tapisiat pillugit kaajallaasitaq naapertorlugu tapisiaqarfissatut aalajangersaavigineqartuni sulisut Kalaallit Nunaanni stationeqarfinni avinngarusimasuni suliamik immikkut ilinniagallit pillugit ileqqoreqqusami aalajangersakkanit ukunanga pineqarput:

- a) tamanna pillugu kaajallaasitaq naapertorlugu stationimiinnermi tapisiaq
- b) atorfininnermi soraarnermilu akiliunneqarluni angalanerit
- c) sulinngiffeqarnermut atatillugu akiliunneqarluni angalaneg
- d) nerisaqarneq ineqarnerlu
- e) nakorsamit kigutilerisumillu isumagineqarneq
- f) immikkut pisussaaffiit (peqqissutsimik misissortinneq, pikkorissarnerit)

§ 20

Sulinermit atatillugu angalanerni saniatigut aningaasartuutaasartut, tassunga ilanngullugit ullormusiat, unnuinermusiat (akunnittarfimmiinnermut atugassat) atortussarsiutillu.

Oqalutsit angerlarsimaffittut najukkamik avataanut suliarthartitaasut aningaasanik pissarsiassaqaartinneqassapput malittarisassat tjenestemandinut Namminersorlutik Oqartussani kommunenilu sulisunut atuuttut naapertorlugit, taakkulu immikkut takussutissiami takuneqarsinnaapput.

§ 21

Ineqarneq.

Atorfinnik inuttassarsiuussinerni ineqarneq pillugu makku nalunaarneqartassapput:

- a) Inissaqartitsisoqartoq malittarisassat qaqugukkulluunniit atuuttut naapertorlugit, imaluunniit
- b) inissaqartitsisoqanngitsoq, imaluunniit
- c) atorfimmuut atatillugu pisussaaffeqartoq suliffimmuut atatillugu inigisassaataasumik ineqarnissamut.

Imm. 2 Atorfinitsinneqartup inissiaq innersuunneqartoq najugariumanngippagu, inissiamik allamik innersuussisoqarsinnaanngilaq.

Imm. 3. Imm. 1, a) naapertorlugu inissianut innersuunneqartunut ineqarnermut akiliuteqartoqartassaaq Kalaallit Nunaanni Namminersorlutik Oqartussat kommunellu inissiaataanni ineqarnermut akiliuteqartarnermut malittarisassat qaqugukkulluunniit atuuttut naapertorlugit. Inissiamik innersuunneqartumik sumiginnaasoaqarpat anisitaanermik kinguneqartumik, inissiamik allamik innersuussisoqarsinnaanngilaq.

Imm. 4. Atorfillit imm. 1, c) naapertorlugu atorfimmuut atatillugu inigisassaataasumik ineqarnermut akiliuteqartassapput maleruagassat tjenestemandinut Namminersorlutik Oqartussani kommunenilu sulisunut qaqugukkulluunniit atuuttut naapertorlugit, taakkulu immikkut takussutissiami takuneqarsinnaapput.

§ 22

Atorfininnermut atatillugu akiliunneqarluni angalaneq.

Atorfininnermi Danmarkimi Kalaallit Nunaanniluunniit angerlarsimafiup suliffeqarfigisallu akornanni oqalutsinut qaammammu-sialinnut akiliunneqarluni angalatitsisoqassaaq inuttassarsi-uussilluni al-

ASA/ØPS Jr. nr. 16.40/367/2018

Qupp. 16 - 29-mut

12. november 2019

lagarsiussaq naapertorlugu inissaqartitsisoqarpat imaluunniit ator-
fimmur atatillugu inigisassaataasumik najugaqarnissaq pisussaaf-
fiuppat, tak. § 21, imm. 1, a) aamma c).

Imm. 2. Akiliunneqarluni atorfininnermi angalanermut aamma ilaatinne-
qarput atorfeqartup aapparisa - katissimanngikkaluarluguluunniit in-
ooqatigisaa - kiisalu meeqqat 18 inorlugit ukiullit. Taama ilaquta-
riit akiliunneqarlutik angalanerat sapinngisamik ataatsimoorluni in-
gerlanniarneqartassaaq.

Imm. 3. Akiliunneqarluni atorfininnermi angalaneg inummut namminer-
muinnaq tunngatitaavoq allanullu tunniunneqarsinnaanani. Akiliunne-
qarluni angalasinnaatitaaneq atorneqanngitsoq taartisissutigineqar-
sinnaangilaq.

Imm. 4. Atorfininnermi akiliunneqarluni angalasinnaatitaanermi
aqqutit sulisitsisumit innersuunneqartut atorneqartassapput.

Imm. 5. Atlantikoq ikaarlugu billetimi Danmarkimi namminer-
laneq ilaagaangat taamaallaat matussuserneqarsinnaapput najugarisap
nunallu immikkoortuani mittarfiup akornanni tamanut angallassissutit
atorlugit akikinnerpaamik angallanneqarnermut aningaasartuutit up-
pernarsarneqarsinnaasut. Allatut angalasoqartillugu najugarisap
Kastrup-illu mittarfiata akornanni tamanut angallassissutit atorlugit
angallanneqarnermut akikinnerpaamik aningaasartuutit matussuserneqar-
tassapput.

Imm. 6. Københavnimiinnermi aningaasartuutaajunnartut atorfeqartup
nammineq akilissavai.

Imm. 7. Nunatsinni namminer-
qarluni angalanermi taamaallaat matussuserneqartassapput najugaqar-

fiup atorfeqarfissallu akornanni tamanut angallassissutit atorlugit akikinnerpaamik angalanermut aningaasartuutigisimasat uppersarneqarsinnaasut.

Imm. 8. Atorfininnermi pigisat assartorneqassapput malittarisassat tjestemandinut Namminersorlutik Oqartussani kommunenilu atorfilinut qaqugukkulluunniit atuuttut naapertorlugit, taakkulu immikkut takussutissiami takuneqarsinnaapput.

§ 23

Assuarlersinnaatitaaneq.

Sulisut pikkorissutsimut tapit saniatigt allanik tapisiaqarsinnaanerat nalornissutigineqarpat sulisullu sinniisaat aqqutigalugu saaffiginnineq naammaginartumik aqqinneqanngippat, suliassaq aqqiagiinn-gissutit suliarineqartarnissaannik pillugit tunngaviusumik isumaqatigiissut naapertorlugu suliarineqarsinnaavoq.

§ 24

Sulinngiffeqarneq sulinngiffeqarner-siutillu.

Sulisut feriernersiuteqarneq feriernerlu pillugit Inatsisartut inatsisaat nr. 10 12. november 2001-imeersoq naapertorlugu sulinngiffeqarsinnaatitaapput. Inatsisip § 2-at naapertorlugu aalajangersakkat ataani immikkut taaneqartut makku isumaqatigiissutigineqarput.

Imm. 2. Sulisut Inatsisartut inatsisaanni § 15, imm. 2 naapertorlugit 12½ %-nik sulinngiffeqarner-siuteqarluni sulinngiffeqarneq akissarsiaqarluni sulinngiffeqarnermut taarsiullugu toqqarpassuk ullut sulinngiffeqarfiit amerlassusii naapertorlugit aningaasarsiat ilann-

gaaffigineqassapput. Sulinngiffeqarnerstiutit ukiumut aningaasarsiari-
simasanut naatsorsorneqassapput.

Imm. 3. Soraarnermi aningaasarsiat 12½ %-ii sulinngiffeqarnerstiutis-
satut tunniunneqassapput.

Imm. 4. Sulinngiffeqarnermi aningaasanik pisassanik piunasaqarneq su-
lisitsisumut saqqummiunneqassaaq ukiup sulinngiffeqarfissaasimasup
qaangiutereernerani kingusinnerpaamilli qaammatit pingasut qaanngiut-
sinnagit. Taamaangippat aningaasat Sulinngiffeqarnermut Aningaasaa-
teqarfimmut nakkassapput, tak. Sulinngiffeqarnermut Aningaasaateqar-
fik pillugu isumaqatigiisummut tapiliusaaq.

§ 25

Napparsimaneq.

Sulisooq napparsimanini pissutigalugu sulisinnaangippat, taassuma
kinguneranik sulinnginneq inatsisunik unioqqutitsinani sulinn-
ginnertut isigineqassaaq, sulisooq sulinermini piaaraluni mianersuaal-
liorujussuarluniluunniit napparsimalersimanngippat imaluunniit ator-
fininnermi salloqittaalluni napparsimanini nipangiusimasimappagu.

Imm. 2. Sulisitsisut aamma atorfillit akornanni pissutsit pillugit
Inatsisartut inatsisaat naapertorlugu sulisunut napparsimaner-
mi aammalu piffissami sivikillisakkamik soraarsitsiner-
mi qaammatini tulleriiginnarni ullut 120-ini akissarsiaqartitsilluni periaatsit
atuupput.

Imm. 3. Sulisut imm. 2-mi pineqanngitsut qaammatini tulleriiginnarni
aqqaneq marlunni katillugit ullut 120-ini napparsimaner-
mini akissarsiaqarsimappat, qaammatip naaneranut imatut siumut ilisimatit-
sereerluni soraarsitsisooqarsinnaavoq:

Suliffeqarfimmi ataatsimi;

- ukiuni 0 - 5 atorfeqareernermi: qaammat ataaseq
- ukiuni 6 - 8 atorfeqareernermi: qaammatit pingasut
- ukiuni 9 - sivisunerusumillu atorfeqareernermi: qaammatit sisamat.

Soraarsitsinerup atuutitinneqarnissaanut piumasaqaataavoq ullut napparsimaffiit 120-it taakku naanerannut atatillugu soraarsitsisoqasooq aammalu inuk pineqartoq sulii napparsimatillugu, kisiannili atuutitinneqarsinnaaneranut apeqqutaangilaq inuk pineqartoq soraarsitsinissap nalunaarutigineqareernerata kingorna suliffimminut utersimappat.

Imm. 4. Kisiannili imm. 2 aamma 3-mi aalajangersakkat malillugit atorfeqarnermit soraarsitsisoqarsimappat, atorfinitsitseqqittoqartariaqarpoq inuk pineqartoq sulileqqissinnaalerpat aammalu suliffeqarfimmi pineqartumi inuup pineqartup sulinissaa atorfissaqartinneqarpat.

Imm. 5. Suliffimmiit napparsimaneq peqqutigalugu qimagussimaneq nakorsap uppernarsaaneratigut uppernarsarneqarnissaa piumasarineqarsinnaavoq.

Imm. 6. Nakorsat uppernarsaataat imm. 5 malillugu piumasarineqartut sulisitsisumit akilerneqassapput.

§ 26

Naartuneq, ernineq qitornavissiartaarnerlu.

Oqalutsit sulinngiffeqarsinnaatitaapput, naartunermi, ernereernerup kingorna qitornavissiartaarnermilu Inatsisartut inatsisaat qaqugumulluunnit atuuttoq naapertorlugu. (maannakkut Inatsisartut inatsisaat nr. 14, 7. december 2009-meersoq).

Imm. 2. Sulinngiffeqarnerup nalaani sulisoq akissarsiani pigiinnarlugit sulinngiffeqarsinnaavoq Inatsisartut peqqussutaanni nr. 7. 22. oktober 1990. Uani takussutissiami takuneqarsinnaavoq akisarsiaqarluni naartunermi meeqqamillu ataatsimik meerartaarnermi:

Anaanaq: sap.ak. marluk erninissaq sioqqullugu	Anaanaq: sap.ak. 14-it kingorna	Tamarmik: sap.ak. sisamat avinneqartussat imm. anaanaasup kisimi.
	Ataataq: sap.ak. 1-p kingorna	

§ 27

Meeqqap napparsimanerani ullormi siullermi sulinngiffeqarsinnaatitaaneq.

Oqalutsi tamakkiisumik ilaannakuusumilluunniit akissarsiaminik anaasaqarani sulinngiffeqarsinnaatitaavoq meeqqap nukangasup napparsimanerani ullormi siullermi.

Imm. 2. Sulinngiffeqarsinnaatitaanermi piumasaqaataavoq:

- a) Ulloq tassaappat meeqqap napparsimaffia siulleq,
- b) meeqqap atugai patsisigalugit tamanna pisariaqarpat,
- c) atorfeqarfimmi pissutsit patsisaallutik tamanna ajornangippat,
- d) meeraq angerlarsimappat.

Imm. 3. Ullut napparsimaffigisimasat nalunaarsorsimaffiat taperneqassaaq ilisimatitsissummik meeqqap napparsimanerani ullormi siullermi peqannginnermik.

Imm. 4. Aaqqissuussineq atornerluinermi sulisunut ataasiakkaanut atortussaajunnaarsinneqarsinnaavoq.

§ 28

Meeqqap napparsimanerani sulinngiffeqarnerit allat.

Meeqqap 16 tikillugit ukiullip illoqarfimmi najukkami imaluunniit illoqarfimmi allami unittariaqalernerani, angajoqqaap peqqinnissaqarfiup akiligaanik illoqarfinnut allanut ingialluinerani, meeqqallu uninnganerata nalaani ullut 12 tikillugit akissarsiani nalinginnaasut pigiinnarlugit sulinngiffeqarsinnaavoq.

Imm. 2. Meeqqap napparsimmavimmut uninnissaa angajoqqaallu unegataanissaa ingiallortaanissaalu nakorsamit uppersarneqassaaq.

Imm. 3. Taamatuttaaq imm. 1, naapertorlugu sulinngiffeqartitsisoqarsinnaavoq meeqqap angerlasimaffimmini innangatinneqarnissaa nakorsamit innersuunneqarpat/uppersarneqarpat.

Imm. 4. Immikkut illuinnartumik pissutissaqartillugu nakorsamillu uppersarneqarpat sulinngiffeqarneq sivitsorneqarsinnaavoq ullut 5 tikillugit.

§ 29

Sulinngiffeqarnerit immikkut ittut allat.

Ilaquttat qanigisat napparsimaruloortillugit aamma/imaluunniit ilisaanerini atorfilik ukioq ataaseq atorfeqarsimaguni akiliunneqarluni angalasinnaatitaavoq sulinngiffeqarsinnaatitaallunilu ilaquttat qanigisat napparsimaruloortillugit aamma/imaluunniit ilisaanerinut atatillugit akiliunneqarluni angalasarnerit sulinngiffeqartarnerillu pillugit malittarisassat qaqugumullunniit Kallaallit Nunaanni tjenestemandinut atuuttut naapertorlugit, taakkulu immikkut takussutissiami takuneqarsinnaapput.

Imm. 2. Sulinngiffeqarnissamik aamma akiliunneqarluni angalanissamik qinnuteqaat sulisitsisumut allaganngorlugu tunniunneqassaaq.

Imm. 3. Ilaquttat qanigisat tassaapput: angajoqqaat, aappat taamaattutullu naatsorsuussat, qitornat qatanngutillu, kisianni aappap ilaqutai taamaattutullu naatsorsuussat pinnagit.

§ 30

Sulinngiffeqartarnerit.

Qaammatisiutit naapertorlugit ulluni nalliuttuni atorfilik sulinn-giffeqarsinnaatitaavoq, ullutut nalliuttutut uku naatsorsuunneqassap-put:

- a) ilagiit Lutherikkut nalliuttui,
- b) juulliaraq,
- c) ukiutoqaq,
- d) kunngit pingasut ulluat (nal. 12.00 kingornatigut),
- e) 1. maj (nal. 12.00 kingornatigut) aamma
- f) kalaallit inuiattut ullorsiorfiat 21. juni.

§ 31

Qinikkatut pisortanillu toqqakkatut suliassaqartitaanerit.

Isumaqatigiissut una naapertorlugu atorfillit qinikkatut pisortanillu suliassaqartitaanerit pillugit Namminersornerullutik Oqartussat qinikkatut pisortanillu toqqakkatut suliagarneq pil-lugu nalunaarutaat nr. 5, 15. marts 1994-meersoq naapertorlugu sulinissaminnut sulinngiffeqarsinnaatitaapput.

Imm. 2. Imm. 1 malillugu suliffigisamiit qimagusimaneq piffissami nal-inginnaasumik suliffiusussaagalumi ilinniagaqarsimasunut aamma ilinniagaqarsimanngitsunut isumaqatigiissutit malillugit qaangiut-toorneriaqarfissaq sioqqullugu pisoq sumiginnaanertut isigineqas-

sannqilaq. Suliffimmiit qimagusimanissaq sapinngisamik sioqqutsillu-
arluni sulisitsisumut nalunaarutigineqassaaq.

Imm. 3. Pisortanit suliassaqartitaaffinni allani SIK-p immikkoor-
torta qarfiini siulersuisunut, SIK-p inuusuttaani siuliersuisunut
aammaalu SIK-p siulersuisuunerinut ilaasortat, pisortat oqar-
tussaasoqarfiinit piumaffigineqarneq tunngavigalugu ilaasortaaffigi-
neqartut imm. 1-mi 2-milu malittarisassat tunngavigineqassapput.

Imm. 4. SIK-p siulersuisuuneri, SIK-p Inuusuttaisa siulersuisuunerini
ilaasortat, ataatsimeersuarnerni, nakkutilliisoqarfeqarnerani
peqataanermut atatillugu SIK-p siulersuisuunerinut aamma SIK-p
Inuusuttaisa siulersuisuunerinut ilaasortat, aningaasarsiaqarlutik
sulinngiffeqarsinnaatitaapput amerlanerpaamik ukiumut sisamariarlutik.

Imm. 5. SIK-p immikkoortorta qarfiini siulersuisut, SIK-p siuler-
suisuunerini aamma SIK-p Inuusuttaisa siulersuisuunerini ilaasortat,
akissarsiaqaratik sulinngiffeqarnissartik kissaatigippassuk tamanna
akuerineqartariaqarpoq. Taamatut sulinngiffeqartoqarsinnaavoq ukiut
ataasiakkaarlugit.

§ 32

Toqukkut qimagaanersiutit.

Sulisoq atorfeqarnermi nalaani toqusimappat aapparisaanut ima-
luunniit qitornaanut 18 inorlugit ukiulinnut qimagaasunut toqusup pi-
lersugarisimasaanut qimagaanersiutit ataani allassimasut naapertor-
lugit tunniunneqassapput:

Atorfeqar-

figisami ukioq 1 sulisimappat.....: Qaam. 1 akissarsiat
- ukiut 2: Qaam. 2 akissarsiat
- ukiut 3 amerlanernilu.....: Qaam. 3 akissarsiat

§ 33

Soraarniuteqarneq/Soraarsitsineq.

Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut soraarnermut atatillugu ajungitsorsiaqarsinnaaneq aammalu soraarniuteqarnermut periaasiusut, ilaatigut misiliutaasumik atorfininneq, utaqqiissaagallartumik suliaqarneq narparsimanermilu atuupput.

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut sulisitsup tungaaniit sulisumik imatut siumut ilisimatitsererluni soraarsitsisoqarsinnaavoq, misiliutaasumik atorfininneq imaluunniit utaqqiissaagallartumik suliaqarallarneq pineqanngippat:

- a) Atorfininnerup kingorna qaammatini arfinilinni siullerni qaammammik ataatsimik ilisimatitsererluni qaammatip naaneranut
- b) Atorfininnerup kingorna qaammatit arfinillit kingorna qaammatinik pingasunik ilisimatitsererluni qaammatip naaneranut
- c) Taassuma kingorna ukiut atorfeqarnerit pingasukkaarlugit siumut ilisimatitsererluni soraarsitsisinnaanerit qaammammik ataatsimik ilaneqartassapput, kisiannili annerpaamik qaammatini arfinilinni.

Imm. 3. Soraarniuteqarneq imm. 2 naapertorlugu piffissaqarluartumik ilisimatitsissutigineqassaaq siumut soraarniuteqarnerup ilisimatitsissutigineqarnerani piffissap iluani pisussanngorlugu.

Imm. 4. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisut qaammammik ataatsimik

siumut ilisimatitsilluni qaammaatip naaneranut soraarniuteqar-sinnaavoq, misiliutaasumik atorfininneq imaluunniit utaqqiissaagall-artumik suliaqarallarneq pineqanngippat.

Imm. 5. Sulisut Sulisitsisut aamma atorfillit akornanni pissutsit pillugit Inatsisartut inatsisaat naapertorlugu pineqanngitsut, atorfeqarnermi qaammatini pingasuni siullerni ullunuk tallimanik si-umut nalunaaruteqarlutik ullormut sumulluunniit soraarsinnaavoq. Tamannalu sulisitsisumiit sulisumiillu atuuppoq. Qaammatit pingasut atorfeqareernerut kingorna soraarniuteqarsinnaanerit imm. 2 b-c aamma imm.4-miittut atuupput.

Soraarniuteqarnermut maleruagassat misiliutaasumik atorfininnermi i-maluunniit utaqqiissaagallartumik suliaqarallarnemi siuliani in-atsimmi pineqartumi atuutinngillat.

Imm. 6. Sulisitsisup sulisullu soraarsitsinissamik soraarnissamillu siumut nalunaarutaat allaganngorlugu tunniunneqassaaq.

§ 34

Isumaqatigiinngissutit kinaassusersiortumillu soraarsitsinerit.

Isumaqatigiinngissutit suliarineqartassapput aaqqiagiinngissutit su-liarineqartarnissaannik tunngaviusumik isumaqatigiisummi aala-jangersakkat naapertorlugit.

Imm. 2. Inunnik ataasiakkaanik soraarsitsisinnaaneq atorneqaraangat tamanna kinaassusersiornermik tunngaveqartassanngilaq. Taanna pillugu apeqqutit aaqqiagiinngissutit suliarineqartarnissaannik tunn-gaviusumik isumaqatigiisummi aalajangersakkat naapertorlugit sulia-rineqartassapput.

§ 35

Oqalutsit nal. Akunnermusiallit.

Oqalutsit atorfeqalivinnissaq siunertarinagu, kisiannili sulinn-giffeqarnermi, napparsimasoqarnerani assigisaannilu taartissatut, imaluunniit allamik suliaqarallarnissamut atorfinitsinneqartut, nal. akunnermusialerlugit qaammatit pingasut inorlugit sivisussulinimmik sulisussatut atorfinitsinneqartassapput. Qaammatit pingasut sinner-lugit sulereernermi pineqartoq qaammammusiaqalersinneqassaaq, taamaattorli sulisartup kissaatigiguniuk nalunaaquttap akunnermusi-aqaannarsinnaavoq. Nal. akunnermusiaq naatsorsorneqartassaaq §§ 3, 4 aamma 5 naapertorlugit pineqartup qanoq sivisutigisumik sulisimanera tunngavigalugu ukiumut akissarsiaasa 1/2080-iannik angissusilerlugu.

Imm. 2. Isumaqatigiissut una naapertorlugu oqalutsit nal. akun-nermusiaqarlutik sulisut siumut qaammammik ataatsimik siumut ilisima-titsilluni qaammaatip naanneranut atorunnaarsinneqarsinnaavoq.

Imm. 3. Nal. akunnermusiaqarlutik oqalutsit sulisorineqartut pi-sinnaatitaapput pisussaaffeqarlutillu ullut arfinillit sulereernerit tamaasa ullormik sulinn-giffeqarnissamut; taamaattorli ullut sulinn-giffissat ataasiakkaatigut piffissamut allamut nuunneqarsinnaapput sulianut tunngasut tamanna pisariaqartikkaangassuk.

Imm. 4. Oqalutsinut nal. akunnermusialinnut akissarsiffissaq ullunut 14-inut naatsorsorneqartassaaq, ataasinngornermiit sapaatit akunneri-sa marluk naaneranni sapaat ilanngullugu.

Imm. 5. Oqalutsit nal. akunnermusiallit feriernersiutissaattut akis-sarsiaasa 12½ %-ii katersorneqartarput.

Imm. 6. Oqalutsit nal. akunnermusiallit akissarsiassaas qanoq sivi-sutigisumik sulisimanerat aallaavigalugu naatsorsorneqartassaaq § 9-

mi, imm.-ni 1-imiit 5-mut maleruagassat naapertorlugit. Nal.akunnermusiaqarluni sulinerup nalaani qanoq sivilutigitsumik sulisimaneq aallaavigalugu akissarsiaqartitsineq allamik ilanegarsinnaangilaq.

Imm. 7. Isumaqatigiissummi matumani §§ 11, 15 A, 29, 33 aamma 34-imi aalajangersakkat oqalutsinut nal. akunnermusialinnut atuutinngillat.

§ 36

Akissarsiat katiternerri.

Akissarsiat § 3, 4, 5 6-milu imak katitigaapput 1. april 1991-mi tunngaviusumik aningaasarsianik aammalu tunngaviusumik aningaasarsianut tapiliussamik. Tunngaviusumik akissarsianut tapiliussaq 1. april 2000 16,4789%-tiupput. Skala-mi akissarsiat iluarsiissutitaqannigitsumik koruuninngorlugu tapiliussamik qaffaavigineqassapput ataanni qaffaatit allassimasut najoqqutaralugit:

01.04.18
kr
380,56

01.04.19
kr
380,56

01.04.20
kr
380,56

01.04.21
kr
380,56

§ 37

Ikaarsaarnermi malittarisassat.

Sulisut 31. marts 1995 killigalugu isumaqatigiissut 13. juli 1993-meersoq tunngavigalugu atorfeqartinneqartut, isumaqatigiissummi taaneqartumi § 25, imm. 1, "sulinngiffeqarnerit immikkut ittut al-lat"-mi malittarisassaq atuutiinnassaaq.

§ 38

Piffissaq isumaqatigiissutip atuuffia.

Isumaqatigiissut una 1. april 2018 atuutilerpoq. Isumaqatigiissut il-luatungeriinnit tamanit qaammatinik 3-nik siumut ilimasaaruteqarnik-kut 31. marts-imut taamaattorli siusinnerpaamik marts-ip 31.-ani 2022-imut atorunnaartussanngortinneqarsinnaavoq.

Imm. 2 Isumaqatigiissut atorunnaarpat piffissap nutaamik isu-maqatigiissuteqarfissap tungaanut akissarsiat marts-ip 31.-ani 2022 atuuttut malillugit akissarsiaqartitsisoqassaaq.

Nuummi, ulloq **02 DEC. 2019**

Sulinermik Inuussutissarsiateqartut
Kattuffiat

Naalakkersuisut
n.s.

Jess G. Berthelsen

André Steenholdt-Guttesen

Finansministeriet
P.M.V.
e.b.

Taamaasillu isumaqatigiissut 14. novemebr 2014-meersoq.

ASA/ØPS Jr. nr. 16.40/367/2018

Qupp. 29 - 29-mut

12. november 2019